

Na osnovu člana 18. Zakona o udruženjima i fondacijama (Službene Novine FBiH broj 45/02), te člana 18. Statuta, Skupština Udruženja za poduzetništvo i posao LiNK na sjednici održanoj dana 18.11.2015. god. donosi izmjenjeni i dopunjeni

S T A T U T

Udruženja za poduzetništvo i posao LiNK

I. OPŠTE ODREDBE

Član 1.

- Naziv i sjedište Udruženja
- Ciljeve i djelatnost Udruženja
- Zastupanje i predstavljanje Udruženja,
- Organe Udruženja, njihove ovlasti, način imenovanja i opoziva, trajanje mandata, kvorum i pravila glasanja, uključujući i pitanja o kojima se odlučuje kvalificiranom većinom., funkciju lica ovlaštenog da saziva skupštinu
- Oblik i sadržaj pečata i znaka Udruženja
- Sticanje i raspolaganje imovinom
- Način donošenja finansijskog izvještaja i izvještaja o radu
- Postupak za donošenje Statuta, izmjena i dopuna Statuta i drugih općih akata udruženja
- Uslove i način učlanjenja, prestanak članstva, kao i prava, dužnosti i odgovornosti članova Udruženja
- Uslove i postupak za pripajanje, razdvajanje transformaciju ili prestanak rada udruženja
- Pravila za raspodjelu preostale imovine u slučaju prestanka rada Udruženja
- Javnost rada Udruženja
- Prijelazne i završne odredbe

Ovim Statutom se uređuju i druga pitanja od značaja za ciljeve, djelatnost i rad Udruženja.

II CILJEVI

Član 2.

Udruženje za poduzetništvo i posao LiNK je udruženje građana i poduzetnika koji se slobodno i dobrovoljno udružuju radi ostvarivanja svih aktivnosti korisnih za zastupanje interesa poduzetnika kao i za zadovoljenje potreba i interesa poduzetnika u skladu sa zajedničkim programskim ciljevima

III. NAZIV I SJEDIŠTE UDRUŽENJA

Član 3.

Naziv udruženja je: Udruženje za poduzetništvo i posao LiNK

Skraćeni naziv udruženja je: Udruženje Link

Sjedište udruženja: Mostar, ul. Bulevar narodne revolucije 55a.

Naziv udruženja na engleskom jeziku glasi: Entrepreneurship and Business Association LiNK

Skraćeni naziv udruženja na engleskom jeziku glasi: Association LiNK

IV. PEČAT I ZNAK UDRUŽENJA

Član 4.

Udruženje ima svoj pečat i znak.

Pečat Udruženja je okruglog oblika sa natpisom LiNK u sredini, a na rubu je ispisano: Udruženje za poduzetništvo i posao Mostar.

Znak udruženja je ovalnog oblika u plavoj boji sa ispisanim LiNK u sredini.

V. PODRUČJE DJELOVANJA UDRUŽENJA

Član 5.

Udruženje djeluje na području Hercegovačko-Neretvanskog kantona/županije, a saradnju može obavljati i izvan granica Hercegovačko-Neretvanskog kantona/županije.

Član 6.

Udruženje je nevladina, nestранаčka i neprofitabilna organizacija.

Član 7.

Udruženje je pravna osoba. Svojstvo pravne osobe Udruženje je steklo danom upisa u Registrar udruženja u Ministarstvu pravosuđa i uprave Hercegovačko-Neretvanskog kantona/županije

VI. DJELATNOST I PROGRAMSKI CILJEVI UDRUŽENJA LiNK

Član 8.

Udruženje ima sljedeće djelatnosti i programske ciljeve:

- Zastupati ekonomске i društvene interese svojih članova;
- Pružanje poslovno-savjetodavnih i srodnih usluga svojim članovima, a u skladu sa potrebama poduzetnika sukladno Zakonu;
- Upravljanje ekonomskim, ljudskim i materijalnim resursima sa ciljem ostvarivanja opštih ciljeva Udruženja i ciljeva iz prethodnih stavki ovog člana;
- Podrška lokalnoj privredi, razvoju malog privatnog poduzetništva i zapošljavanju na području Mostara i šire; posebno kroz izdavanje garancija za poduzetnike- članove Udruženja, koje će im omogućiti pristup finansijskim sredstvima banaka ili mikrokredititnih institucija. Izdavanje pomenutih garancija će biti u skladu sa unutarnjim aktima Udruženja
- Pružanje stručne pomoći poduzetnicima u relizaciji njihovih programa;
- Saradnja sa organizacijama koje potpomažu i kreditiraju razvojne programe novog zapošljavanja;
- Saradnja sa Sindikatima na području HN kantona radi sagledavanja realnih potreba u oblasti zapošljavanja;
- Saradnja sa udruženjima poduzetnika, privrednih institucija radi zajedničke podrške razvojnim programima za zapošljavanje na cijelom podrđu BiH;
- Saradnja sa članovima udruženja koji rade na podršci privrednom razvoju i zapošljavanju;
- Organizovati kurseve obuke za osnivanje i vođenje novih preduzeća i novog zapošljavanja;
- Saradnja sa lokalnim i stranim nevladinim organizacijama (NVO), kao i institucijama koje podržavaju programe zapošljavanja, razvoja zanatstva, razvoja turizma i zaštite okoliša, te malih i srednjih preduzeća;
- Organizovati susrete i razmjenu informacija sa zainteresiranim osobama i organizacijama iz cijele BiH;
- Pomoći članovima udruženja pri osnivanju novog preduzeća i poslovanju preduzeća;
- Razvijati i unapređivati aktivnosti u Centru usluga Udruženja LiNK, kao podrška razvoju poduzetništva i zapošljavanja;

- Razviti aktivnosti finansiranja i kreditiranja novih i postojećih preduzeća u saradnji sa mikro-finansijskim institucijama i bankama na području BiH, po kriterijima stručnosti.
- Sudjelovanje u zajedničkim projektima s domaćim i inozemnim vladinim i nevladinim organizacijama,
- Organiziranje stručnih skupova, javnih tribina, predavanja, kao i drugih oblika javne prezentacije djelovanja Udruženja.

Član 9.

Udruženje može radi ostvarivanja svojih programskih i statutarnih ciljeva i djelatnosti osnivati privredna društva u skladu sa Zakonom i ovim Statutom.

VII. USLOVI I NAČIN UČLANJIVANJA U UDRUŽENJE PRAVA I OBAVEZE ČLANOVA

Član 10.

Članstvo u Udruženju je dobrovoljno.

Članovi Udruženja mogu biti sva pravna i fizička lica koja prihvataju odredbe ovog Statuta i programske ciljeve Udruženja.

Članom Udruženja se postaje danom donošenja odluke nadležnog organa Udruženja, na osnovu zahtjeva kandidata da želi biti član Udruženja.

Danom primanja u članstvo Udruženja fizičko i pravno lice potpisuje pristupnicu i preuzima sva prava i obaveze po osnovu članstva u udruženju

Član dobiva člansku kartu.

Član 11.

Članovi Udruženja mogu biti aktivni i počasni.

Aktivni članovi Udruženja učestvuju u radu Udruženja kroz razne aktivnosti i kroz rad organa Udruženja.

Počasni članovi Udruženja mogu biti pravna i fizička lica, kao i udruženja koje Upravni odbor Udruženja proglaši počasnim zbog posebnih doprinosa i zasluga za afirmaciju i rad Udruženja.

Član 12.

Članovi Udruženja su ravnopravni i u njemu imaju jednaka prava, obaveze i odgovornosti.

Prava, obaveze i odgovornosti članova Udruženja su:

- da bira i bude biran u organe Udruženja
- da učestvuju u radu Udruženja i da se angažuje na ostvarivanju programskih ciljeva; objektivno i nepristrasno,
- da daje i prima informacije i podatke potrebne za provođenje zajedničkih interesa članova Udruženja;
- da koristi stručnu i drugu pomoć iz djelokruga rada Udruženja
- da štiti interes i ugled Udruženja,
- da se pridržava odredaba Statuta i drugih opštih akata Udruženja;
- da uredno podmiruje uplatu članarine
- druga prava utvrđena Zakonom i ovim Statutom

Član 13.

Članstvo u Udruženju prestaje:

- na zahtjev člana, pismenom izjavom o istupanju iz Udruženja;
- isključivanjem iz Udruženja, odlukom nadležnog organa Udruženja;
- prestankom rada člana pravnog lica ili smrću člana fizičkog lica;
- prestankom rada Udruženja.

Član 14.

Član može biti isključen iz Udruženja:

- ako se ne pridržava odredaba Statuta i opštih akata Udruženja;
- ako ne ispunjava preuzete obaveze ;
- ako nanosi materijalnu ili bilo koju drugu štetu Udruženju ili njegovim članovima;
- ako bude osuđen za krivično djelo koje ga čini nedostojnim da bude član Udruženja;
- ako do 28.02. tekuće godine ne plati članarinu za prethodnu godinu.

Odluku o isključenju donosi Upravni odbor.

Protiv te odluke dozvoljena je žalba Skupštini Udruženja u roku od 15 dana od dana prijema odluke.

Odluka Skupštine po žalbi je konačna u Udruženju.

Član 15.

Postupak za isključenje pokreće predsjednik Udruženja.

Postupak za isključenje je javan.

Predsjednik Upravnog odbora zakazuje raspravu o isključenju najmanje sedam dana unaprijed, o čemu član mora biti obaviješten.

Član 16.

Član koji je isključen ili je istupio iz Udruženja može podnijeti zahtjev za ponovni prijem u članstvo, o čemu odluku donosi Upravni odbor Udruženja.

Ukoliko lice iz stava 1. ovog člana ima ranije stvorenih finansijskih ili drugih obaveza prema Udruženju dužan je da iste uredno izmiri da bi stekao pravo na ponovno učlanjivanje.

VIII. ORGANI UDRUŽENJA

Član 17.

Organji Udruženja su:

- Skupština
- Nadzorni odbor
- Upravni odbor
- Predsjednik Udruženja

Skupština

Član 18.

Skupština Udruženja je najviši organ upravljanja Udruženja, koju čine svi članovi Udruženja.

Član 19.

Skupština Udruženja može biti osnivačka, redovna i vanredna.

Osnivačka skupština održava se na početku rada Udruženja, redovna skupština najmanje jedanput godišnje, a vanredna po potrebi.

Na skupštini se bira predsjednik Skupštine prostom većinom glasova.

Član 20.

. Skupština odlučuje o pitanjima od opšteg i zajedničkog interesa Udruženja i to:

- donosi Statut, izmjene i dopune Statuta i druge akte određene Statutom;
- donosi Pravilnik o radu Upravnog odbora, izmjene i dopune Pravilnika;
- donosi Pravilnik o radu Nadzornog odbora, izmjene i dopune;
- donosi odluku o visini članarine,
- usvaja plan i program rada,
- usvaja finansijski plan i finansijski izvještaj o radu Udruženja,
- usvaja izvještaje Upravnog i Nadzornog odbora o djelovanju Udruženja,
- odlučuje o pripajanju, razdvajanju, transformaciji i prestanku rada Udruženja,
- imenuje i razrješava članove Upravnog odbora, Nadzornog odbora i predsjednika Udruženja ,
- odlučuje o svim pitanjima koja nisu u nadležnosti drugih organa,
- Skupština obavlja i sve druge poslove predviđene zakonom i ovim Statutom.

Član 21.

Redovne sjednice Skupštine se održavaju najmanje jednom godišnje.

Sjednicu Skupštine saziva i njome predsjedava predsjednik Skupštine.

Skupština se mora sazvati i na zahtjev Upravnog odbora, Nadzornog odbora ili na zahtjev najmanje jedne trećine članova Udruženja.

Podnositelj zahtjeva za sazivanje Skupštine dužan je svoj zahtjev pismeno obrazložiti.

Član 22.

Za pravovaljan rad Skupštine potrebno je imati najmanje 30 prisutnih članova Skupštine, a odluke se donose dvotrećinskom većinom prisutnih članova Skupštine.

Ukoliko nakon otvaranja Skupštine u roku od jednog sata nije obezbijeđen kvorum iz prethodnog stava, predsjedavajući Skupštine odlaže sjednicu Skupštine i obavezan je sazvati istu najdalje u roku od 30 dana sa istim dnevnim redom.

U slučaju ponovnog sazivanja Skupština, ako nije prisutno najmanje 30 članova, odluke koje su privremenog karaktera donose svi prisutni članovi i to dvotrećinskom većinom glasova.

Konačnu odluku iz prethodnog stava donosi Skupština na svojoj prvoj sjednici na kojoj je prisutno najmanje 30 članova.

Član 23.

U radu Skupštine članove Skupštine mogu zastupati i predstavljati opunomoćenici po posebno datoj punomoći.

Punomoć se daje u obliku izjave člana Udruženja kojom se ovlašćuje punomoćnik da može učestvovati u radu i odlučivanju na Skupštini u ime člana Udruženja koji ga opunomoćuje.

Upravni odbor

Član 24.

Upravni odbor je izvršni organ koji se stara o sprovođenju ciljeva Udruženja, koji su utvrđeni ovim Statutom i odlukama Skupštine.

Upravni odbor ima sedam članova od kojih pet čine poduzetnici članovi Udruženja, a dva predstavnici institucija koji preuzimaju određene obaveze za pojedine segmente rada i djelatnosti (finansijski, pravni, tehnički i dr.).

Članove Upravnog odbora imenuje i razrješava Skupština Udruženja.

Članovi Upravnog odbora biraju između sebe predsjednika i sekretara Upravnog odbora prostom većinom glasova.

Član 25.

Upravni odbor radi u sjednicama koje se održavaju prema potrebi, a najmanje jednom u tri mjeseca. Sjednicu Upravnog odbora saziva i njome predsjedava predsjednik Upravnog odbora. Upravni odbor mora se sazvati i po zahtjevu jedne polovine članova Upravnog odbora, po zahtjevu Nadzornog odbora, predsjednika Udruženja i direktora Centra za usluge.

U radu Upravnog odbora bez prava odlučivanja obavezno sudjeluje predsjednik Udruženja, a po potrebi i drugi članovi Udruženja i uposlenici Udruženja.

O radu Upravnog odbora obavezno se vodi zapisnik.

Upravni odbor donosi odluke prostom (natpolovičnom) većinom glasova prisutnih članova na sjednici.

Prilikom donošenja odluka, kod jednakog broja glasova, predsjednik Upravnog odbora ima pravo da donese konačnu odluku.

Član 26.

Upravni odbor Udruženja ima sljedeće nadležnosti i odgovornosti:

- provodi politiku, odluke i zaključke Skupštine,
- utvrđuje prijedlog Statuta i drugih akata koje donosi Skupština,
- rukovodi radom Udruženja između dvije sjednice Skupštine i donosi odluke radi ostvarivanja ciljeva Udruženja,
- donosi programske smjernice za rad Udruženja i odgovoran je za realizaciju programskih ciljeva Udruženja,
- utvrđuje plan rada na godišnjem nivou,
- priprema sjednice Skupštine tako da utvrđuje prijedloge općih akata koje ona donosi,
- daje prijedlog Skupštini o uslovima i postupku za pripajanje, razdvajanje, transformaciju ili prestanak rada Udruženja,
- podnosi godišnji izvještaj Skupštini o radu Udruženja,
- podnosi finansijski izvještaj Nadzornom odboru o radu Udruženja,
- upravlja imovinom Udruženja i donosi finansijske odluke,
- odgovoran je za zakonitost poslovanja Udruženja,
- odgovara za ekonomično i zakonito korištenje finansijskih sredstava, u skladu sa odlukama nadležnih organa Udruženja,
- poduzima potrebne aktivnosti u cilju povećanja finansijskih sredstava u korist Udruženja,
- određuje visinu naknada za usluge Udruženja,
- donosi odluku o isplaćivanju naknade i visini naknade za rad organa Udruženja,
- donosi Pravilnik o radu Centra za usluge Udruženja,
- donosi Pravilnik o radu Kreditnog garancijskog fonda (KGF) Udruženja i imenuje i razrješava organe Fonda,
- imenuje i razrješava direktora Centra za usluge,
- analizira i procjenjuje rad predsjednika Udruženja i po potrebi provodi određenu proceduru,
- imenuje i razrješava predsjednika i sekretara Upravnog odbora,
- donosi odluke o oblicima i načinu saradnje sa drugim udruženjima i organizacijama u zemlji i inostranstvu,

- donosi odluke o projektima Udruženja,
- donosi odluke o osnivanju preduzeća i podružnica udruženja,
- donosi odluke o prijemu i isključenju iz članstva Udruženja,
- odlučuje o potrebi za radom, pravima i obavezama zaposlenika u skladu s opštim aktima Udruženja,
- donosi odluke o nagradama i priznanjima,
- promovira i obavlja aktivnosti od interesa za ostvarivanje ciljeva Udruženja,
- vrši druge poslove određene statutom Udruženja.

Predsjednik Udruženja

Član 27.

Predsjednika Udruženja imenuje i razrješava Skupština iz reda članova Udruženja.

Prijedlog za izbor predsjednika Udruženja može dati Upravni odbor ili jedna trećina članova Skupštine..

Funkcija predsjednika Udruženja je profesionalna.

Predsjednik Udruženja nakon isteka mandata ima pravo ostati u radnom odnosu u Udruženju.

Predsjednik je za svoj rad odgovoran Upravnem odboru, Nadzornom odboru i Skupštini Udruženja.

Član 28.

Prava, obaveze i odgovornosti Predsjednika Udruženja:

- zastupa i predstavlja Udruženje i odgovoran je za zakonitost njegova rada,
- usklađuje aktivnosti organa te oblike organizacije i rada Udruženja,
- potpisuje akte o provođenju odluka i zaključaka Skupštine, kao i druge akte i ugovore u čijem zaključivanju sudjeluje Udruženje,
- zastupa interese članova Udruženja prema javnim institucijama na svim nivoima, kao i prema drugim institucijama i organizacijama,
- radi sa uposlenicima Udruženja na obezbjeđivanju izvora finansiranja Udruženja i njegovih aktivnosti, kao i na razvoju strategije za dugoročno održanje Udruženja,
- odgovara za realizaciju ugovorenih aktivnosti u ime i za račun Udruženja,
- odgovara za realizaciju programa Udruženja,
- informiše Upravni odbor o svim aktivnostima Udruženja poduzetim između dvije sjednice Upravnog odbora,
- podnosi Upravnom odboru periodične i godišnji izvještaj o svom radu,
- priprema u suradnji sa Upravnim odborom godišnji izvještaj za Skupštinu,
- obavlja i druge poslove u skladu Statutom i drugim aktima Udruženja,

Predsjednik Udruženja ima pravo sudjelovati u radu Upravnog odbora, bez prava odlučivanja.

Predsjednik Udruženja može svoja pojedinačna ovlaštenja prenijeti na druge osobe.

Predsjednika Udruženja u slučaju odsutnosti zamjenjuje direktor Centra za usluge ili osoba koju on ovlasti.

Nadzorni odbor

Član 29.

Nadzorni odbor ima pet članova, predsjednika i četiri člana, od čega su tri člana iz reda poduzetnika i dva člana iz reda stručnih agencija.

Članove Nadzornog odbora imenuje i razrješava Skupština Udruženja.

Članovi Nadzornog odbora između sebe biraju predsjednika na svojoj prvoj sjednici.

Lica imenovana u Nadzorni odbor ne mogu biti članovi Upravnog odbora.

Član 30.

Nadzorni odbor ima nadležnosti da:

- nadzire poslovanje Udruženja;
- vrši kontrolu materijalno-finansijskog poslovanja Udruženja ;
- vrši kontrolu zakonitosti rada Udruženja;

- nadzire rad Upravnog odbora.i predsjednika Udruženja ;
- usvaja izvještaj Upravnog odbora o finansijskom poslovanju po polugodišnjem i godišnjem obračunu, sa bilansom stanja i bilansom uspjeha;
- podnosi izvještaj Skupštini o finansijskom i materijalnom poslovanju Udruženja
- podnosi izvještaj Skupštini o radu Nadzornog odbora
- predlaže predsjedniku Skupštine sazivanje Skupštine koji je na prijedlog Nadzornog odbora dužan da je sazove.
- obavlja i druge poslove za koje ga zaduži Skupština

Rad Nadzornog odbora uređuje se Pravilnikom o radu Nadzornog odbora

Član 31.

Svi organi Udruženja biraju se na mandatni period od četiri godine i mogu nakon isteka mandata ponovo biti birani.

Član niti jednog organa Udruženja ne može biti lice:

- osuđivano za krivično djelo i za privredni prijestup nespojive s dužnošću u organima Udruženja, pet godina od dana pravosnažnosti presude, isključujući vrijeme zatvorske kazne;
- kojem je presudom suda zabranjeno obavljanje aktivnosti koje su u nadležnosti organa Udruženja
- starije od 70 godina na dan imenovanja.

Nacionalna izbalansiranost treba u potpunosti biti ispoštovana i usklađena u svim organima i među uposlenicima Udruženja.

Član 32.

Članovima bilo kojeg organa Udruženja mandat može prestati i prije isteka roka na koji su imenovani i to:

- razrješenjem po odluci Skupštine
- ostavkom
- prestankom statusa člana Udruženja
- smrću

Članove bilo kojeg organa Udruženja Skupština Udruženja može razriješiti ako prekorače svoja ovlaštenja ili ne izvršavaju savjesno svoje obaveze u organima Udruženja.

Prijedlog za razrješenje može dati:

- Upravni odbor
- Nadzorni odbor
- Jedna trećina članova Skupštine

Postupak razrješenja članova organa Udruženja provodi se na isti način kao i izbor

Svaki član bilo kojeg organa Udruženja može ostavkom na članstvo zatražiti svoje razrješenje prije isteka mandata na koje je izabran, s tim da je dužan obavljati svoju dužnost do donošenja odluke o razrješenju.

Ako Skupština razrješava organ Udruženja tada bira novi sa punim mandatom, a ako razrješava pojedine članove organa, Skupština bira novog člana tog organa na vrijeme do isteka mandata organa u čiji je sastav izabran.

IX. ZASTUPANJE I PREDSTAVLJANJE UDRUŽENJA

Član 33

Predsjednik Udruženja zastupa i predstavlja Udruženje u odnosima sa trećim licima, fizičkim ili pravnim, a u njegovoj odsutnosti direktor Centra za usluge Udruženja.

X. JAVNOST RADA UDRUŽENJA

Član 34.

Rad Udruženja je javan.

Javnost rada ostvaruje se na način određen ovim Statutom i drugim opštim aktima Udruženja.

Javnost rada ostvaruje se i saradnjom sa sredstvima javnog informisanja.

Član 35.

Odlukom Upravnog odbora Udruženja određuju se koje su isprave i podaci poslovna tajna, čije bi iznošenje neovlaštenoj osobi zbog njihove prirode i značaja bilo protivno interesima Udruženja i njegovih članova.

XI. Centar usluga Udruženja

Član 36.

Za obavljanje stručnih, administrativnih, pomoćnih i drugih poslova u Udruženju je osnovan Centar za usluge.

Organizacija Centra za usluge treba odgovarati potrebama i zahtjevima članova Udruženja i omogućavati stručno, kvalitetno, pravovremeno i odgovorno obavljanje zadataka Udruženja utvrđenih ovim statutom i ostalim aktima Udruženja.

Organizacija Centra za usluge uređuje se Pravilnikom o radu kojeg donosi Upravni odbor, a provođenje njegovih zadataka nadzire Upravni odbor i predsjednik Udruženja.

Član 37.

Centar usluga obavlja naročito sljedeće zadatke:

- prati, proučava i analizira društvena i privredna kretanja koja su od značaja za poduzetnike
- priprema informacije, analize, nacrte akata i obavlja druge poslove nužne za funkcionisanje organa udruženja
- pruža stručnu i drugu pomoć članovima Udruženja
- obavlja i druge stručne, administrativne poslove koji proizilaze iz djelokruga Udruženja, u skladu s pravilnikom o radu.
- realizira programe sa domaćim i stranim institucijama i organizacijama, koji imaju za cilj podršku lokalnoj privredi, razvoju privatnog poduzetništva i zapošljavanja.
-

Član 38.

Za zakonito, stručno i uspješno obavljanje poslova i radnih zadataka Centra za usluge odgovara direktor Centra.

Direktora Centra imenuje i razrješava Upravni odbor na mandatni period od četiri godine na način utvrđen Pravilnikom o radu

Funkcija direktora je profesionalna funkcija

Direktor nakon isteka mandata ima pravo ostati u radnom odnosu u Udruženju.

Direktor vodi i realizuje operativne aktivnosti utvrđene od strane organa Udruženja.

Prava, obaveze i odgovornosti direktora uređuju se Pravilnikom o radu.

Predsjednik Udruženja može ovlastiti direktora za upravljanje određenim poslovima.

Ta ovlaštenje treba biti isključivo regulisano Pravilnikom o radu

Direktor je za svoj rad odgovoran Skupštini Udruženja, Predsjedniku Udruženja i Upravnom odboru.

XII. FINANSIRANJE UDRUŽENJA

Član 39.

Sredstva za rad udruženja osiguravaju se :

- Godišnjom članarinom članova Udruženja
- Donacijama,
- Dobrovoljnim prilozima,
- Drugim prihodima saglasno važećim zakonskim propisima,
- Prihodima po osnovu poslovno-savjetodavnih i srodnih usluga koje Udruženje pruža svojim članovima i drugim pravnim i fizičkim osobama

Član 40.

Udruženje vodi finansijsko poslovanje i pravi finansijske izvještaje u skladu sa važećim zakonskim propisima Bosne i Hercegovine.

Član 41.

Sva sredstva koje Udruženje osigura u skladu sa članom 39. ovog Statuta koristit će se za rad i ostvarivanje programskih ciljeva Udruženja.

XIII. SPAJANJE, RAZDVAJANJE, TRANSFORMACIJA I PRESTANAK RADA UDRUŽENJA

Član 42.

Udruženje se može pripojiti drugom udruženju, koje obavlja istu ili sličnu statutarnu djelatnost i ima programske ciljeve slične ciljevima Udruženja..

Druge udruženje koje obavlja istu ili sličnu statutarnu djelatnost i ima programske ciljeve slične ciljevima Udruženja može se pripojiti Udruženju

Udruženje može izvršiti spajanje s drugim udruženjem , tako da takvim spajanjem nastane novo udruženje.

Udruženje se može razdvojiti na dva ili više udruženja u skladu sa zakonom.

Udruženje se može transformisati u fondaciju u skladu sa zakonom..

Udruženje prestaje sa radom:

- Odlukom Skupštine o prestanku rada Udruženja ili odluku o pripajanju, razdvajajanju ili transformaciji
- Sudskom odlukom o zabrani rada Udruženja.

Odluku o spajanju, razdvajajanju, transformaciji i prestanku rada Udruženja donosi Skupština dvotrećinskom većinom prisutnih članova Skupštine, na prijedlog Upravnog odbora.

Član 43.

Ukoliko Skupština doneće odluku o prestanku rada Udruženja, nakon izmirivanja svih obaveza ili dugovanja, imovina Udruženja će se na prijedlog Upravnog odbora dodijeliti drugom/drugim udruženjima ili organizacijama, koji obavljaju istu ili sličnu statutarnu djelatnost i imaju programske ciljeve slične ciljevima Udruženja.

Odluku o raspodjeli imovine Udruženja donosi Skupština.

XIV. PRIJELAZNE I ZAVRŠNE ODREDBE

Član 44.

Autentično tumačenje ovog Statuta daje Skupština Udruženja.

Član 45.

Upravni odbor ili najmanje jedna trećina članova Skupštine Udruženja mogu pokrenuti postupak za izmjene i dopune Statuta.

Prijedlog izmjena i dopuna Statuta utvrđuje Upravni odbor, najmanje trideset dana prije održavanja Skupštine na kojoj Statut treba biti usvajan.

Izmjene i dopune ovog Statuta vrše se po istom postupku kao i njegovo donošenje.

Član 46.

Ovaj Statut je najviši pravni akt Udruženja i svi drugi akti Udruženja moraju biti usaglašeni sa odredbama ovog Statuta.

Pitanja koja nisu uređena ovim Statutom, uredit će se posebnim aktima Udruženja u skladu sa ovim Statutom i važećim zakonima.

Član 47.

Ovaj Statut stupa na snagu danom donošenja a primjenjuje se od dana kada na njega da suglasnost Ministarstvo pravosuđa i uprave Hercegovačko –Neretvanskog kantona/županije.

Član 48.

Danom primjene ovog Statuta prestaje da važi Statut Udruženja od 07.06.2005.godine.

Mostar, 18.11.2015.

Predsjednik Skupštine:

Ema Badžak



The image shows a handwritten signature of "Ema Badžak" written over a circular official stamp. The stamp contains the text "SKUPŠTINA UDRUŽENJA HERCEGOVACKO-NERETVANSKOG KANTONA" around the perimeter, and "EMMA BADŽAK" in the center.